

三怡堂叢書

汴京遺蹟志

二五

三台堂書

卷一

汴京遺蹟志卷九

三怡堂叢書

明 李濂 撰

岡堆坡陂關梁并墓

岡

牟駝岡

在城西北十五里宋天駟監牧養御馬駝騾之所靖康時金將斡里雅布統鐵騎南馳攻圍汴京屯兵于此後黃河衝激坍塌平夷矣

丘濬世史正綱 靖康元年春正月癸酉女眞攻京

師兵屯牟駝岡按牟駝岡乃宋朝牧馬之所芻豆山積往年郭藥師來朝奉命擊毬于其間至是導金人據之資其芻豆飼馬得以久屯嗚呼後世積蓄者盍

爲城守毋爲大盜之資乎

鳳城岡

在城西南三里許舊有奉聖寺號奉聖寺岡後金兵攻汴燬其寺金章宗時有二鳳凰率諸鳥飛落

于此人遂稱爲鳳城岡亦曰鳳凰岡

望牛岡

在城西南十里汴京城形勢如臥牛狀登是岡以望之則居然可見故名

百岡

在城東北三十里有土堆百餘世傳宋文帝元嘉中檀道濟與北魏戰糧盡而返魏軍襲之道濟夜唱籌

量沙積至百堆以紿之魏軍見之果退道濟全師而還

獨樂岡

在城東十五里相傳宋時有一富翁居此男女婚嫁已畢翁不問家事日邀故舊飲酒爲樂徽宗微

行見之羨曰斯人其獨樂哉後因名其岡

鵲村岡

在城南五十里宋時嘗命獵者養鷹鵲于此因名

牛尾岡

在封丘門外東一里許俗以汴城爲臥牛城而此岡則牛之尾也

霍赤岡

在城東北二十里遼主耶律德光滅晉嘗屯兵于此

狼城岡

在城西三十里

杏花岡

在城西南十五里一名青龍岡

藥局岡

在城西二十里舊為朝元宮之藥局

長腰岡

在城東北二十五里一名長葉岡

僊遊岡

在城東北二十五里一名牽牛岡

侯家岡

在城南十八里

堠子岡

在城南六十里

井家岡

在城西南十五里

七里岡

在城西南七里

八角岡

在城西三十里

白墓子岡

在城南二十里

萬龍岡

在城東南五十里

祝岡

在城東南五十五里

鍾家岡

在城東南五十里

赤倉岡

在城東南四十五里又名關頭岡

蘇村岡

在城東南十里

毛岡

在城東南二十五里

黑岡

在城西北二十五里

太平岡 在城東二十里

沙窩岡 在城東北二十五里

袁家岡 在城東北二十五里一名北神岡

南神岡 在城東北二十里

縮頭岡 在城東二十五里

角橋岡 在城東北五里

邊村岡 在城東五里

殷家岡 在城東十里

白石岡 在城東二十五里

胡岡 在城東二十五里

傅家岡 在城東二十里

楊子岡 在城東北二十里

槐疙疸岡 在城東北三十里

兔白岡 在城東北四十里

蘇家岡 在城西五里

獅子岡 在城西三十五里

以上諸岡累經黃河衝淤存者無幾而居人猶能指其遺址焉

堆

青堆

有二一在城東窰務保之東
北一在城西南毛保之西

申家堆

在城西永安保

大營堆

在城西八角保之東

王家堆

在城西南南毛保之東南

坡

幕天坡

在封丘門外宋將李綱嘗敗
金兵于此後為河水淤平

胭脂坡

在城西北東和保之西朝暮斜暉
照之宛若胭脂俗呼為紅沙岡

陂

夏侯陂

好草陂

俱在城西南朱僊鎮保

勃臍陂

在宋門外

寒陂

在城西南閘店保之北

練子陂

在城西南開店保之西北

牧兒陂

青頭陂

俱在城西南開店保之西

關

臨蔡關

在城東南赤倉保周世宗顯德中浚開河入蔡河命水軍駕戰艦沿潁入淮以伐南唐置關于此全

季闕廢居人仍呼此為關頭

通津關

在城東北馬尾牆保埽頭周世宗顯德四年疏汴水入王丈河以通齊魯舟楫于此設關元時河漲

淤塞

橋梁

天漢橋

一名州橋

金梁橋

浚儀橋

龍津橋

青暉橋

雲驥橋

宣化橋

白虎橋

雷家橋

馬軍衙橋

以上諸橋在都城內
外汴蔡二河故道上

陳橋

在城東北四十五里即
宋藝祖為眾擁立處也

井

海眼井

在安遠門裏上方寺內相傳泉源通
海故名元末寺燬于兵而井失其蹟

義井

在城西金梁橋之南相傳元時邑民劉道源因往來
人眾造舍于上設汲水之具遇咸暑時則汲以濟人

故名

三眼井

在鼓樓東街之北井八角井在城
口一石而三眼故名西

甘泉井

在徐府街洪武末河水入城水皆鹹苦飲之者多
感瀉痢之疾永樂癸未夏魏國公徐達宅後忽漏

一泉色潔味甘甲子
汴中教授滕頤有記

府學新井

在開封府儒學內名賢祠南正德癸酉秋七月教授榮昌冷宗元開鑿井水清冽飲者甘之以

上二井俱非宋井也姑附于此

冷宗元撰井記

開封郡學文廟東有名賢祠祠南

有隙地東爲宰牲所每歲丁祀潔牲滌器水必取於他井甚艱焉是歲秋七月丙子宗元白於方伯楊公給以脩井之直郡守賀侯乃專人以董其役壬午宗元相隙地之西命匠氏鑿之僅仞許中有一石揭其石遂得古井焉深可四仞其泉冽其味甘而甃砌完整如故於是補甃井口作轆轤旁開小渠西通神庖墻以達於泮池潔滌牲器者皆資其用而池之魚藻

亦藉以溉之八月丁日釋奠于先師丙申藩臬諸公
省牲咸飲而甘之嘆曰異哉井乎其學校之徵邪是
月壬戌揭榜門生中者五人而李生濂發解斯亦異
也已提學僉憲劉公命宗元記其事竊聞孔氏以井
喻德孟氏以井喻學畫於易詠于詩散記於史籍蓋
井體有常而應變不窮學者進德之地也然德者致
用之本時者用德之幾有其德而弗遇其時井渫之
不食孔孟是已有其德而又遇其時井收之勿幕伊
周是已噫德之脩不脩在我也世之用不用在人也
時之遇不遇在天也君子亦惟脩其在我者其在天

在人則靜侯而順受之耳何容心焉二三子來游來歌挹斯泉而味斯味其於聖門體用之學將默有所悟者矣豈直資夫滌漑而已哉楊公名子器慈谿人劉公名玉萬安人賀侯名銳臨汾人

陵墓

倉頡墓

在城北時和保俗呼爲倉王塚是也按禪通紀倉頡居陽武而葬利鄉所謂利鄉即時和保之墟也

梁王墓

在城西八角保高三丈廣百餘步無碑文可考世稱魏陵鄉地名梁固疑卽魏梁王之塚也

信陵君墓

在城東南揚州門之南公子無忌卒葬此

朱亥墓

在城西南朱僊鎮保俗呼爲屠兒墓

扁鵲墓

在大梁門外西北菩提寺之東原在子城內唐元和十五年宣武軍節度使張弘靖徙瘞于此

張儀墓

在城東北七里儀魏人也為秦相卒葬此

靈昭陵

在城東北四十五里馬尾墻保其地即春秋宋之黃鄉世傳漢高祖兵敗于此母因死焉後具梓宮

招魂葬之有丹蛇出水中小黃園因置小黃縣陵寢累經髮乃號靈昭陵其地曰小黃園

河水淤平

蔡邕墓

在城東北四十五里

李衛公墓

在城西南鬧店保唐李靖塋此

段志賢墓

在鬧店保之王家莊

單雄信墓

在仁和門內西北隅國初為左護衛軍營

王文正公墓

在城東大邊村宋丞相王文正公旦塋此

歐陽脩撰王文正公神道碑

至和二年七月乙未

樞密直學士右諫議大夫王素奏事殿中已而泣且
言曰臣之先臣旦相真宗皇帝十有八年今臣素又
得待罪侍從之臣惟是先臣之訓其遺業餘烈臣實
無似不能顯大而墓碑至今無辭以刻惟陛下哀憐
不忘先帝之臣以假寵于王氏而勗其子孫天子曰
嗚呼惟汝父旦事我文考真宗叶德一心克終厥位
有始有卒其可謂全德元老矣汝素以是刻于碑素
拜手稽首出明日有詔史館脩撰歐陽脩曰王旦墓
碑未立汝可以銘臣脩謹按故推誠保順同德守正
翊戴功臣開府儀同三司守太尉充玉清昭應宮使

上柱國太原郡開國公贈太師尙書令兼中書令追
封魏國公謚曰文正王公諱旦字子明大名華人也
皇曾祖諱言滑州黎陽令追封許國公皇祖諱徹左
拾遺追封魯國公皇考諱祐尙書兵部侍郎追封晉
國公皆累贈太師尙書令兼中書令曾祖妣姚氏魯
國夫人姐姐田氏秦國夫人妣任氏徐國夫人邊氏
秦國夫人公之皇考以文章自顯漢周之際逮事太
祖太宗爲名臣嘗論杜重威使無反漢拒盧多遜害
趙普之謀以百口明符彥卿無罪故世多稱王氏有
陰德公之皇考亦自植三槐于庭曰吾之後世必有

爲三公者此其所以志也公少好學有文太平興國
五年進士及第爲大理評事知臨江縣監潭州銀場
再遷著作佐郎與編文苑英華遷殿中丞通判鄭濠
二州王禹偁薦其材任轉運使驛召至京師辭不受
獻其所爲文章得試直史館遷右正言知制誥知淳
化三年禮部貢舉遷虞部員外郎同判吏部流內銓
知考課院右諫議大夫趙昌言參知政事公以壻避
嫌求解職太宗嘉之改禮部郎中集賢殿脩撰昌言
罷復知制誥仍兼脩撰判院事召賜金紫久之遷兵
部郎中居職真宗即位拜中書舍人數日召爲翰林

學士知審官院通進銀臺封駁事公爲人嚴重避遠
權勢不可干以私由是真宗益知其賢錢若水名能
知人嘗稱公曰真宰相器也若水爲樞密副使罷召
對苑中問誰可大用者若水言公可真宗曰吾固已
知之矣咸平三年又知禮部貢舉居數日拜給事中
知樞密院事明年以工部侍郎參知政事再遷刑部
侍郎景德元年契丹犯邊真宗幸澶州雍王元份留
守京東得暴疾命公馳自行在代元份留守二年遷
尙書左丞三年拜工部尙書同中書門下平章集賢
殿大學士監脩國史是時契丹初請盟趙德明亦納